



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Venerabilis Patris D. Hludowici Blosii Abbatis Lætiensis Ordinis S. P. N. Benedicti Tomus Posterior Margaritum Spirituale

Blois, Louis de

Monasterii Campidonensis, 1672

Præfatio.

[urn:nbn:de:hbz:466:1-45885](https://nbn-resolving.org/urn:nbn:de:hbz:466:1-45885)

collyrii  
Hæreticorum  
Appendix.

5.  
Ex s. Epiphania  
Hæresis  
56. vel 77  
adversus  
Aerium,  
cap. 7.

6.  
Ex san-  
cto Chry-  
sostomo.

Epiphanius Cyprensis in libro quem adversus hæreses scripsit, ita loquitur: *De referendis nominibus eorum qui vita defuncti sunt, quid ea re utilius, quid opportunius fuerit? Prodest sanè pro ipsis facta precatio.*

Chrysoſtomus lib. 6. de Sacerdotio cap. 4. loquens de Sacerdote, ait: *Eum, qui pro civitate;*

*quid dico civitate? imò verò pro universo terrarum orbe legatus intercedit, deprecatorq; est apud Deum, ut hominum omnium, non viventium modò, sed etiam mortuorum peccatis propitius fiat, qualem quæso esse oportet? In Liturgia ipsius Chrysoſtomi Sacerdos inter precandum sæpius meminit fidelium defunctorum.*

# HLVDOWICI BLOSII DEFENSIONIS VERÆ FIDEI

ADVERSUS

S. ECCLESIAE CATHOLICAE HOSTES

PARS SECUNDA,

SIVE

## FACULA

ILLUMINANDIS HAERETICIS,

ET AB ERRORE AVOCANDIS,

ACCOMMODATA.

### PRÆFATIO.

1. Superbia hæresum origo & fons.
2. Optimè revincuntur consensu Patrum primitivæ Ecclesiæ.
3. Propinquiores enim Christo, remotiores à fraude & falsitate.
4. Ex illis desumptus hic libellus Faculae ad tenebras hæreseos pellendas.

OMNIUM

1.  
Mater  
herese-  
os su-  
perbia.



MENTUM heresum origo est superbia. Nam heretici omnes maxime superbi sunt: propriam sententiam, per versasq; opiniones suas, obstinata insania tuentur, divinas Scripturas falsis expositionibus insolenter depravant: sancta atque Apostolica Ecclesia obtemperare nolunt, & Præpositos ejus elato animo despiciunt.

2.  
Optima  
ratio re-  
ducendi  
hereti-  
cos, con-  
sensus  
vetustis-  
simorū  
Patrum.


Convenientissima autem ratio revocandi illos ad sanam mentem hæc nobis videtur, ut demonstretur eis, sanctos Patres Ecclesiæ primitivæ, qui à Christo vel Apostolis veram fidem acceperunt, & cum ipsis conversati sunt, aut statim post eorum tempora vixerunt, sic credidisse, sicut in Ecclesia Romana atque Catholica modò credimus, & idem sensisse de DEO rebusq; divinis atq; Ecclesiasticis, quod sentimus. Vbi enim hereticis id dilucidè ostensum fuerit, videbunt ipsi quàm vesanis erroribus impliciti sint.

3.  
Nā quòd  
fuerit  
Christo  
propri-  
quiores  
et mi-  
nus de  
fraude  
suspe-  
cti.

Neque enim quemquam inter eos tam desperata dementia laborare putamus, ut dicere audeat, eos qui à Christo atque Apostolis instituti in fide fuerunt, & pro eadem fide sanguinem fuderunt, martyriisq; coronati sunt, errasse, ac nescisse quid crederent; se verò, & suorum dogmatum defensores, veritatem tenere.

4.  
Ideo  
huac fa-  
cult li-  
bellum  
ex vetu-  
tissimis  
Patribus  
colle-  
ctum ac-  
cipe.  
Occasio  
de fru-  
ctus Pa-  
trulæ.

Nos igitur pro Dei honore & salute animarum nonnulla ex scriptis illorum sanctissimorum Patrum, qui in primitiva Ecclesia floruerunt, excerpemus, atque in hoc Libello adnotabimus, fideliter quidem, sed raptim & tumultuarie. Urgent enim nos preces cujusdam generosæ & Deo dicatæ Virginis, quæ aliquid remedii à nobis obtinere cupit, quod mox mittat ad quosdam cognatos suos heresi recens infectos. Illustrabimus autem atque confirmabimus plerisque in locis ipsa dicta Patrum testimoniis, divinis libris petitis. Boni consulat Lector hæc miscellanea, quæ à nobis ex tempore colliguntur; memineritque, veritatem, & sanam Scripturarum sacrarum intelligentiam, non alibi quærendam esse, quàm in Ecclesia Catholica, cujus eximia membra sunt sancti Patres quos citabimus.



CATA-